

1 PITA

Pita yio Jisis siir kigna miriyan inkam nwirkin. Mi ta yokwowa siya winkika iikamim Jisis siiram naingwo tɔbmiiyim mi siir yai airam wakaeyokna apiyim simiiram. Pita siya minam winkikin iikamim naingwo tɔbmiiyim simiir kinsiis haiginuwam, dimusi rani iikamim naingwo tɔbmii karamae nwowiyim simiirin hik sima hauugim. Pita siya pi boriisopi sima simiir naingwo tɔbmiiya Jisis siiram naingwo tɔbmiiya sair haiburgigim siya ha naingwowi saeya hiriyar dwokripkai mi hik hiriyar hai. Iriig.

Bigi biyan yokwowa Pita siya winki aeya

¹ Kara Pitakin, kara Jisis Kraisi siir aposel inkamkin mi ta yokwowa kara winkika iikamim naingwo tɔbmii kɔniyim Adi Komii kɔmiir Wanin siirim kɔmiiram yipiki biya, biyan iikamim sim nhinikriopkiyim kɔmiir nu maeyau waraurankin mi kima ha namim mi kima kimidiniya ti omim sim ini owou, Pontas, Galesia, Kapadosia, Esia mi Bitinia. Wim kima ini inkamim yipiki hindara nini boinakiiyim iki om nhirim sim mi ha swoki amiyim simiir oma hiriir ini simiir hiriinan ywowim. Mi ti hiriinan siyu kaimwoin, wim kima ti om iirin wi ii priei nwo rani mi mhoiya kima wi kɔmiir omkiomin Adi Komii siya nwowin wi siir nwowi.

² Kɔmiirin Adi Komii kɔmiir Wanin siya bidi yimbiingiyim siir iikam nwowim. Dimusi rani, biya siya bidiyar yinokninkinin mi siya hiriinan

bidiyar mi aingwowaɛn kimiir kwoɛnim wi rirmiia siya nwowaigɛniɛwi opa dimɛn taemɛn hinda kigiguskiya saiir hiriinan. Siya ti hiriinanɛn siir naeyiuni tirkɛn mi ta hiriinan saiirsika kima wi Jisis Kraiis siir yai imiir nwoki wakaeyokna apim mi siir nhiya kimiirin dimɛn whirki kimbu karamae saeya nwoka. Kara ha naingwowi Adi Komii siir naingwobumbuwa wi kimakar nwowi mi kima wi iripar nongwomamaɛr aei. Kara ha naingwowi siya ti dimɛn miyik miyik imiirin wa tiri kimiirin mi simiirin wi idwo idwowaɛr nitkɛn iinainami. Iriig.

Mhoiya krɛma Adi Komii saika nwowi mi krɛma wi digworaekwo miyikmiyik imiir haii

³ Krɛma Adi Komii siir inig iirarar hainanki yipiki krɛmiir Biyan Inkam Komiiyɛn Jisis Kraiis siir Adɛn. Dimusi rani, siya krɛmiiramɛn nhami nhami bi naingwokwonanaekɛn mi siya siir naingwoyɛmyoka saiirin warar mi isiimauu krɛmiirin Jisis Kraiis siirsi yipiki biya niki aonamɛn mi siirin Adi Komii siyar swoki hidnɛnsiin idwo omwai swoki waiyamɛn mi tariinanɛn siya ini omwaiyar swoki waiyan.

⁴ Mi nim krɛma dimɛn taemɛnim Adi Komii siya hauwanɛm krɛmiir yipiki wi krɛmiir kwoɛn imiir whɛnkɛnsiis haigɛniɛwi simiiram nwokwokini. Simiirin ini siyar kigriraowɛm siir om hirar mi simiirin wi tioidwomai rani, sima wi wadie hiriayar nwokripkaigiyami.

⁵ Ti digworaekwowɛm yim ilkamɛm yipiki naingwo tibmii kɛnim yim kimiirgɛm mi simiirin ini Adi Komii siyar kigriraowɛm. Dimusi rani, siya

kirie komiigakin mi simiirin wi kirar haibudwini mi ti digworaekwowim yim wi Adi Komii siyar nanaakninkiihaiginiuwu ta iya Jisis siya swoki itana kimiir nanmaiwarkaina iuguskiyana wi saiir nanaakninkii haiginiuwu.

⁶ Dimusi rani, kima wi maigimaiga ti dimin taemin imiirsi nwowi tiriiginim ta ii aiir nwowim sima hik kimpipisu kimiirar hauuga windi kima maigimaiga nwo karamae kipi nwo ti dimin taemin imiirsi.

⁷ Mi ti digworaekwowim yim wa nimbimbiiyami mi wi ta hiriinan saiirsi kinankuwu Adi Komii siya kimiirin kimiir naingwo tibiimiiya ini panin panina namisi owa kimiir kwoinawokaiya. Mi iikamim golin paenau kabitkaigiyyim mi sima pa niki obriprigii mi ti golin pi opar nasae imbiyami mi sima dimin biyeyim iki siir idwo hir nwowiyim pa nitnoudnankaigii mi hapaiirin pi golkigolin pi sasar nwokii. Mi ti hiriinan siyu kaimwowin, Adi Komii siya dimin biyie imiiramini asi kiwakii krimiir tibrumbuninkin haiginiuwamin mi ta hiriinan saiirsika ti dimin hiriinanim yim wi pi nitnouninkigii mi wi dimin kibi kibiyim sima simar nwokaigii krimiir kwoinawin mi krima wi Adi Komii siirgisiiramar naingwo tibiimii kiniski. Mi ti dimin kibi kibiyim kimiir kwoinawokaiyyim yim ini gol imiir haiburim. Mhoiyya ti golim yim wa digii mi waridiminim kimiir kwoinawokaiyyim yim wi wara digi rani. Mi mhoiyya Jisis Kraisiya swoki iti mi siya, siya siyar swoki anaakninkinaei mi wim kima wi inig komiigak hainii nwowi mi Adi Komii siya kimiirin wi hinina boini, kima dimin whirki bi kimbugim.

8 Kima Jisis siir bi kigim mi kima siiram naingwokwonanaekim. Tariinanin kima siir bi kigim mi kima siiram in ina wakaeyokna apim mi kima ini maigimaigar nwoyokiyokiyim mi ta hiriinan saiirsika kima wi hinina boin tani saiir kirieya paninga

9 Dimusi rani, ta hiriinan saiirsika kimiir naingwo tibmiiya ya hininga, kima wi Adi Komii saikar nwowi yipikin kimiir nanmaiwarkainan.

10 Mi ta nanmaiwarkaina ta biya biyan profet kamim sima saiir naingwokwonanaekim mi sima bi sibgu inokninkin kingim. Mi sima kimidiniya naingwobumbuwa mhoiya Adi Komii siya nisisimauwana saiir winki mi ya tariigina ya nikrani wim kima wi ta nanmaiwarkaina saiir haii.

11 Mi sima ta Adi Komii siya nanmaiwarkaina krimiir saiir saiira naingwokwonanaekim mi sima ini sima simar yinsrii ansrina ti dimin taemin imiiram in. Mi ti Kraiis siir naeyuin yipiki simiir hir nwokaiyin simiirin siyar yanaakninkii haiginiu iya Kraiis siya nitana saiirin mi dimin taeminim ti ti imiir nimbimbiyamim iya Kraiis siya haiya hik dimin biyie biyeyim simiirsi mi mhoiya siya wi inig komiigakar nwowi. Mi sima ti diminin siir siira naingwokwonanaekim mi siya wi panin panina nimbiamii.

12 Biya Adi Komii siya simiirin hinina nisisimauugin, ti yayim sima boinmimauuim yim wi simiirar swoki whinkinsiis haiginiu rani. Mi ti dimin taeminim mhoiya iikam kimiir whinkinsiis haiginiuwi yim ti dimin taeminim ti tariinan nwowim sima waraigim, yipiki tiki

kamim Adi Komii siir yai aiir boinmimauuwim kimiir, sima boinmimauuwim. Adi Komii siya yikropki siir naeyuun simiiram mi simiirin siyar whinkinsiis haiginugun mi sima ti dimin taemin imiirin asi boinmimauugim. Mi paekwosimim yipiki inkam nwowin Adi Komii siya nikropkiyim ta mi aiir miriyam mi yim sima biya ti diminin Krai siya tiranin siiramar mi naingwokin siir mi inokninkinim mi sima ini yinkinyaeyaowim dimusi rani, Adi Komii siya simiir bi boinmauugin. Iriig.

Ikamim dimin miyik tiriyim kimiir kwoinim yim rirmiyar dwokripkai

¹³ Mi ta hiriinan saiirsika kimiir kwoinim kirie hiriyyar dwokripkai mi kima kimiir siyu iirsiyyar mantirao mi kimiir kwoinim sibgu sibgu daingwo omok ta naingwobumbuwa wi mhoiyya Krai siya hauuwi kimiir saiiram nwokwokinim mi iyya Jisis Krai siya swoki itana siya wi siya siyar nanaakninkiinaei.

¹⁴ Kima Adi Komii siir wakaeyokna apiyim kima yinisimin siir ad yopiiyo sowiir yai imiir wakaeyokna apiyin siir hiriinan dwo. Mi ta ii aiirarin kima iki dimin biyie biyeyim biya kima tirim simiiram kipi naingwokwonanae iyya kima Adi Komii siir ninokninkin karamae nwowa saiir. Ningaka. Ti dimin hininim simiir tiram kipi naingwo.

¹⁵ Mi yio haningi niuwi kima wi Adi Komii siir hiriinan nwowi yipikin kimiir kwoin imiir kiyaiiyin siir dimin miyik miyikim simiir haiyam. Yio siya ini dimin whirki kimbu karamae hiriyyar nwokripkaiyin mi wim kima iriipi hiriinan dimin

whirki kimbu karamaeyar timi o wari dimin taemin whiekakim kima tiriyim simiirin.

¹⁶ Kima ti hiniina tir. Dimusi rani, Adi Komii siya siir Yokwo Komii aiir winboinkiyin siya ti hiniina boinkikin, kima dimin whirki kipi kimbu. Dimusi rani, Adi Komii kara dimin whirki bi kimbugin.

¹⁷ Adi Komii siya wi ikam whiekak krimiirar hidirkaki mi siya dimin taeminim krima tirim wi simiir hiriinanar swoki tiri. Mi ta hiriinan saiirsika, wim kima ikam yipiki siirin hiniina dapikuiwiyim Adi mi siirim kwisboinkiiyim, kima, kimasiyar mintiraona dimin taeminim kima tiriyim iya kima ti nu iirar niki owiyim, yim Adi Komii siir kipi tir big nasmirwaiya nwo karamae siya nwowim kimaka.

¹⁸ Kima ti dimin taeminim kara boinmimauugiyim simiir tir dimusi rani, wim kima ina ninokninkinim kimiirin Adi Komii siya bidi yanmaiwarkainam dimin biyeyim biya kima tirkaiyuwim simiir hirankin, ti diminim yipiki biya kima nonkwowim kimiir brougae wanwiyaeyim sima nisiisiimauuwim kimiir. Adi Komii siya kimiirin silva, gol minmi bi saininiyoknakin. Niingaka. Yim ti dimin hiniinim yim wa tiodwomaii. Siya kimiirin Krai siir nhe kibi aiir nanmaiwarkainakin.

¹⁹ Siya ini sibsibnan ywowin siirin whaigomkosimki bi pisrankin mi hankak sim bi swoki okin mi dimin whirki bi swoki kimbugin siir pua whauriyinki whauriyinka Adi Komii siir yai aeya boina saiir hiriinan.

²⁰ Mi biya iya Adi Komii siya nu iir niki onkwokwo karamaeyar niki owa, siya Krai

siirɛn saiirar nɛmbingɛn tiriir nitamɛn mi iki ii nhirim mhoiiyanim simiiram niki okin mi siya sasar nanaakninkinakin kimiir whinkinsiis haiginuwamin.

21 Wim kima Adi Komii siiram asi naingwo tibmiigim. Dimusi rani, Kraisiirsika. Siya bidiyar iki aonamin mi siirɛn Adi Komii siyar swoki hidninsiin idwoki omwai waiyayokiyokiiyamɛn mi siya siirɛn inig komiigakar ywowaiginu mi ta hiriinan saiirsika kima siiram asi naingwo tibmiigim mi kima siiramar dwokwokin kimiirin wi mhoiia siya nikunaki mi kima wi saika nwoyokiyokikaeyami inokinokin.

22 Mi kimiir kwoinim dimin whirki kimbu karamae bidi ywowim mi ta hiriinan saiirsika ti Adi Komii siir yai kibi kibiyim kima wakaeyokna apim simiirsika mi ta hiriinan saiirsika kima kimiir nomiiyauim simiiramɛn nhami nhami kipi naingwokwonanae. Mi kima irni nwirniyam naingwokwonanaeyim wari kimiir kwoinin dimin whirki kimbu karamae nwowiyin siya daingwokwonanaei.

23 Adi Komii siya kimiir kwoin imiirin yaeya kwoin win bidi tirkiyin yipiki wi hiriayar nwoyokiyokikaeyami kima wakaeyokna apa siir yaiya saiir kirieni tirkikin wadie kima nwowamin. Mi siir yayim yim wi wara tioidwomai rani. Mi iriipi hiriinan kimiir kwoinim yim iriipi hiriinan yim wi wari mi digi rani. Wim kima inkam komiini yinisisimkim yipiki nao karamae nwowiyim sima.

24 Tiki yayim yim kaimwowaingim. Dimusi rani, yayim yipiki Adi Komii siya winkiyim Yokwo Komiiini yim hinina boinkikim,

iikam whiekakim yim ini konan ywowim mi ti inig komii komiigak sima nwowa yim ini kipnan ywowim. Mhoiia sima wi kowa inkamki tiokisimsibginiya mi ha waiswaekiya wi saiir hiriinan nwowi. Mi kipa ya wa mi hougunami nua hiriir mi saeya wa mi bropkinami. Mi ti kamim ti nu iir nwowiyim inig komii komiigakim yim wa digi.

²⁵ Mi Biyan Inkam Komii siir yai kibiya ya wi hiriyyar nwokripkaigii.

Mi ti yaiyim simakisimaigim krima boinmimauuwim kimiir. Iriig.

2

Mi Biyan Inkam Komiiyin yio ini yinpaenan ywowin mi krimiirin siyar whinkinsiis haiginuwi krima nwowamin

¹ Mi kima wari dimin biyie biyeyim kimiir kwoinawu nwokaiyim yim ti itnoudninkiiigi, ti dimin taemin hininim, niksisaе yai, yai iyop nwo mi kwoin bibiyie naingwo mi yai kinaopitkaigai mi ti hiriinan diminim kima simiirin kipi tir.

² Kima yinisim sapisapin mwiiyaramar naingwowyin siir hiriinan daingwo Adi Komii krimiir Wanin siir yai kibi kibi imiiramim mi hiriinanki nuwi wim kima wi inakamae adiyaowaenan nwowi mi iki Adi Komii siir dimin taemin imiirin wi haningim sibgu ninomokninkin digi.

³ Dimusi rani, wim kima bidiyar yinokninkinim Biyan Inkam Komii siya wadiyairgin mi siya kimiirar bidi whinkinsiis haiginuwin mi kimiir

dimin biyie biyieyim yim siya bidiyar mi haiyoprimdiyiumiigiyim.

⁴ Kima Jisis saika damasukikin yio siya ini yinpae miyiknan ywowin yipiki iikamkim sim boriisopin mi Adi Komii siya siiram nhami nhami bi naingwokin mi siirin siya yimbingi ti dimin biyieyim krima tirim simiir haiyoprimdiyiumiigiyam.

⁵ Mi iikam wim kima ini iriipi hiriinan iyin paeyinanar mi owim mi ta hiriinan saiirsika Adi Komii siya kimiir asi nanmaiwarkainaei mi kima Adi Komii siiram kiwaki kimiirin siir omakanan nwowim mi kima wi piugan kwiruwar mi owim mi wim kima ini pris inkamnan ywowim. Yim sima biya wraisuim ha nisomsom aokaowim mi simiirin sima hiiya Adi Komii siir haigin anag hauugiya saiir idwo hir haigin anagi, Adi Komii siir ninkin imiiaeyam. Mi ti hiriinan siyu kaimwowin siirar timi tir dimin taemin miyikmiyikim Adi Komii siirim mi kima wi kimar hauunaei Adi Komii siirin nae ninkinimiiaeyamin mi dimin taeminim kima tiri Adi Komii siya wi maigimaigana nwowi simiiram. Dimusi rani, biya Kraisiya bidiyar tirkiyim krimiirin krimiir siyu bibiyie imiir haiyoprimdiyiumiigiyim.

⁶ Adi Komii siir yaiya Yokwo Komii saiir hir nwowa hinina boinkika,

kara yinpae kibiyin wira yimbini om Saion hiramin omaka hir nwowa saiir kougou nwowim. Siya ini ti kougouwin siir hiriinan ywowin omaka miriirim ninansiin okwowyin mi ha boiniyin yio miyik rani mi yio Adi Komii siya hinina naingwowi yio

bimbiuwi rani. Krai siyairgin omaka saiir nonkworinuwanin kougouwin mi iikamim yipiki siiram naingwo tibmii sima wi hik mirisikak nwo rani mi simiirin wi siya nanmaiwarkainaei mi wi siyar whinkinsiis haiginiuwi.

⁷ Mi ti kimiir iikam nhirim yipiki Krai siiram naingwo tibmiiyim, wim kima siiram nhami nhami naingwokwonanae rani mi tiriiginim yipiki siiram naingwokwonanae karamae nwowim Adi Komii siir yaiya Yokwo Komii saiir hir nwokaiya ya hinina boinka,

Siya ini yinpaenan ywowin yipiki inkamkin diriraerarkikiniyin omaka miriiyam mi mhoiia pa swoki boini siya miyik rani, mi yio Adi Komii siya siirin hinina naingwokin siya wadiekiwadieyairgin. Ini siya siyar ywowiskiyin yinpaenanin yipikin omaka kougounan omaka saiir bopwoniya nokwoin omaka akou iir hougwowinam.

⁸ Mi iikamim yipiki Krai siiram naingwo tibmii karamae nwowim mi digiumii siir haimriiyuim, Krai siya siiyanan ywowin mi ti iikam hiriinanin yim wi siya tirki mi sima wa nhimnhinkinami mi sima wi sima simar tioidwomai. Sima iikam whaowaenan nwowi mi wa nikii iuguski.

Dimusi rani, sima digiumii Adi Komii siir yai kibi imiir haimriiyugim ti Adi Komii siir yaiyim yipiki biia niki winkyim Yokwo Komii saiir nwokaiyim sima wi digar nwowi simiir tirim.

⁹ Mi wim kima simiir hiriinan tani wim kimiirin biia Adi Komii siya bidi yimbinim yipiki siir

pɔɔgʌn nwoɔwɪm mɪ kɪmʌ ɪnɪ Prɪs ɪnkʌmnan
 ywɔwɪm siir ɪnɪg hʌɪnʌn prʌprʌsɪm mɪ kɪmʌ
 ɪnɪ ɪkʌmɪm yɪpɪkɪ ʌdɪ Kɔmɪi siir mɪi ʌɪrʌrʌ
 mɪrɪiɪyɪm mɪ mɪi mɪiɪyɪk mɪiɪyɪk hʌ mɪrɪiɪyɪm ɪnɪ sɪmɪɪr
 hɪrɪɪnʌn ywɔwɪm. Mɪ kɪmʌ ɪnɪ siir ɪkʌmnan
 ywɔwɪm dɪmɪn tʌemɪn kɪbɪyɪm sɪyʌ tɪrɪiɪyɪm
 sɪmɪɪr nʌnʌk nɪnkɪi hʌɪgɪnɪuɪm. Sɪyʌ kɪmɪɪrɪn
 mɪnʌm kɪyʌi kɪmʌ dɪmɪn tʌemɪn bɪyɪeyɪm
 nɪɪbwɔmʌmbwɔnʌn nwoɔwɪyɪm dɪgɪumɪi sɪmɪɪr
 hʌɪmɪrɪiɪyɪgɪgɪm mɪ kɪmʌ siir yʌi kɪbɪyʌ yɪpɪkɪ
 bɪenʌn whwɔyʌi yʌ sʌɪr wʌkʌeyɔk nʌ ʌpɪm.

¹⁰ Kɪmʌ bɪyʌ ɪkʌm nɪɪngʌ nwoɔkɪm mɪ tʌrɪɪnʌnɪn
 kɪmʌ ɪnɪ ʌdɪ Kɔmɪi siir pɔɔgʌnʌn ɪkʌm ywɔwɪm.
 Bɪyʌ ʌdɪ Kɔmɪi sɪyʌ kɪmɪɪr bɪ whɪndɪrɪrʌerʌr
 hʌɪgɪnɪugɪn mɪ tʌrɪɪnʌnɪn ʌdɪ Kɔmɪi sɪyʌ kɪmɪɪrɪn
 prʌsʌe prʌsʌe bɪ whɪndɪrɪrʌerʌr hʌɪgɪnɪugɪm. ɪrɪɪg.

Krɪmʌ ʌdɪ Kɔmɪi siir mɪi mɪrɪiɪyʌn ɪkʌm dwo.

¹¹ Tɪ kʌrɪɪr nɔmɪiɪyʌukɪnɪm kɪmʌ tɪ nuɪn
 siir sɪyɪuɪn siir tɪrʌn tʌnɪ. Nɪɪngʌkʌ. Kɪmʌ
 tɪrɪn wɪ ɪɪ prɪeɪ nwoɔnʌm tʌnɪ kʌrʌ kɪmɪɪrɪn
 ʌsɪ bɔɪnɔnkwoɔkwɔkɪ. ɪyʌ kɪmʌ tɪrʌr nɪkɪ ɔwɪ
 dɪmɪn bɪbɪyɪeyɪm dɪgɪumɪi sɪmɪɪr hʌɪmɪrɪiɪyɪgɪgɪ
 tɪ dɪmɪnɪm kɪmɪɪr kwɔɪnɪm ɪnɔkɪnɔkɪn sɪmʌr
 nɪpɪyʌokɪi mɪ tʌ hɪrɪɪnʌn sʌɪrsɪkʌ kɪmʌ wɪ tɪ
 dɪmɪn bɪyɪe ɪmɪɪrʌr wʌkʌeyɔk nʌ ʌpɪ mɪ wɪ dɪmɪn
 bɪyɪeyʌ tɪrɪ.

¹² Kɪrʌ, kɪrʌr dɪɪsɪɪmʌuunʌ ɪkʌm nɪhɪrɪm sɪmɪɪr
 bɔpwoɔnɪyʌ yɪpɪkɪ ʌdɪ Kɔmɪi sɪɪrʌm nʌɪngwɔ tɪbmɪi
 kʌrʌmʌe nwoɔwɪyɪm sɪmɪɪrɪn. Mɪ dɪmɪn tʌemɪnɪm
 kɪmʌ tɪrɪyɪm mɪiɪyɪk mɪiɪyɪk ɪmɪɪrʌr dɪrɪrʌerʌr mɪ
 tʌ hɪrɪɪnʌnʌ sɪmʌ kɪmɪɪr nʌɪnugʌugʌuwɪ mɪ hʌ
 bɔɪnɪ kɪmʌ mɪiɪyɪk rʌnɪ mɪ tʌ sʌɪr mɪhɔɪyʌ ɪyʌ ʌdɪ

Komii siya n̄ti iikam imiir hidam m̄ ti iikamim naingwo t̄bm̄ii karamae nwowim sima w̄i siir inig iirar hainanprapraskii whisarii rani, dimin m̄iiyikm̄iiyikim kima tirim simiirsika.

¹³ M̄i kima iikamim yipiki kimiir kigriraowiyim simiir yai imiirar wakaeyokna. Dimusi rani, kima Biyan Inkamin Adi Komii siir wakaeyokna apikim kima gavmanmi biyan inkamim simiir wakaeyokna ap.

¹⁴ M̄i iki iikamim siya nikropkiyim kimiir kigriraowam m̄i yipiki siȳu bibiyie t̄riiyim simiir donkwon̄inw̄imw̄ir̄n̄in̄kin haiḡin̄u m̄i yipiki iikamim dimin m̄iiyik t̄riiyim simiir inig imiir hainan prapas.

¹⁵ Kima dimin m̄iiyik m̄iiyik imiiraramar daingwo. Dimusi rani, Adi Komii siya minam naingwowi, kima simiir tirim m̄i ti inkam biȳeyin siir yai bibiyeyim yim w̄i pi n̄ink̄inyaeyaowi m̄i ta h̄riinan saiirsika ti dimin kibi kibiyim kima tirim m̄i yim w̄i kimiir swoki boinh̄uriȳu sran tani.

¹⁶ Kima iikamim r̄irm̄iia nwowim kimiirin dimin biȳie whirki nonkwo karam nwowim, dimin biȳie kipi tir. Dimusi rani, kima ini ti h̄in̄in̄ siȳūin̄ siir nwowim kima Adi Komii siir iikamkim m̄i kima siir m̄i āir̄ m̄riigim m̄i kima dimin m̄iiyik imiirara tiri, siȳū biȳie war̄i kipi tir.

¹⁷ Kima iki iikamim simiir inig imiir hainan m̄i kimiir nom̄iiaum̄ simiiram daingwokwonanaei m̄i kima Adi Komii siirsi didid m̄i siirin dimin whir kipi tirbu maiḡimaiḡa kimaka nwosiyin m̄i kima gavman inkam komīiyin yipiki kr̄imiir kigriraowiyin siirin m̄h̄i hīns̄ima dwo. Iriig.

Dimin taeminim Kraisiya tiriyim krima simiir wakaeyokna ap

18 Mi kima iikamim yipiki whisarii mi primiriyim kima kimiir biyan inkamim simiir yai imiirar wakaeyokna ap mi hik simiir kipi hauu maigimaiga kima nwosi. Mi iikam nhirim sima kimiiram naingwokwonanaei mi nhirim io kamaka nwowi, kima hiriirar tiki prii diriraerar.

19 Mi kimiir biyan inkamim sima wi kimiir nikwowaisii. Dimusi rani, kima Adi Komii krimiir Wanin siir yai imiir wakaeyokna apikim mi kima ta hiriinan sairsiyin yamdi kipi swoki diriraerar mi kima ta kara boina saiir hiriinan diriraerari mi Adi Komii siya kimiirin wi maigimaiga komiigakar nwowi.

20 Mi kima dimin biye tiri mi yaowae adim sima kimiir nikhaiginuwi mi kima ti diminim sima kimiir tiriyim yamdi simiir kipi swoki tir. Yio tiriiginin yio ini ywowin. Dimusi rani, wim kima dimin biye tirkim mi kima hik haigim. Dimusi rani, ti dimin miyik miyikim kima tirim simiirsika mi kima ta hiriinana yamdi sairsi bi tirkim mi yio tiriiginin yio dimin komiigikomii ieyairgin mi Adi Komii siya ta hiriinan sairsiyin kimiirin wi siyiu miyikar mi tiri.

21 Adi Komii siyar bidi yimbinim kimiirin ta hik aiir haiyam yipiki kara boinmimauuwim kima simiir hai. Dimusi rani, Kraisiya hik kimpipisu prasae bi haigin kimiirsiyin mi ta siya nisiimauuwa ini aknain miyiknan ywokiya kima kigna apim inkamim huni siyiuin siir kigna apnamiyin siir hiriinan.

22 Kraisiya siyiu biye bi tirkin mi niksisaе yai

bi mi boinkin mi siyiu biyie bi mi tirkin. Niingaki niingakiinga.

²³ Mi iikamim sima siirin yai biyie nikbumbu boini siya nididim mi siya simiirin niksisee yai mi igao yai bi boinkin. Iya kamim sima siir toa mi siya simiirin igao yai bi boinkin mi yamdi bi mi tiokim siya yaimin yaimin bi boinkin. Siya ha naingwo tibmiigin Adi Komii siya mhoiia simiirin wi ti siyiu bibiyeyim simiirsi hidi.

²⁴ Mi siya, siya siyar naonakin paeyin haaniya nironinkin siirin dimin biyeyim yipiki krima tirim simiir haiyim mi ta hiriinan saiirsika iikam krima nu tiran dimin biyeyim digumii haingik mi krimiirin wi sima nipiyaokii rani mi ta hiriinan saiirsika krima Adi Komii siir dimin kibi kibiyim simiir asi wakaeyokna api. Dimusi rani, siya pi naokin mi wim kima wadie asi nwowi.

²⁵ Kima ini sibsibnan ywowim yipiki inkamki naingwo ouwougikim mi siyiuim ha whaowaeiyim. Mi tariinanin kima ini Kraiis siiram yaingwo tibmiiyim mi siyar kigriraowi kimiir kwoinbud imiirin, yipiki inkamin sibsib imiir sibgu kigriraowiyin simiir hiriinan. Iriig.

3

Ta yaiya iikamim nonkwonam simiir boinka

¹ Mi iikamim simiir biyan inkamim simiir yai wakaeyoknaeiyia simiir hiriinan wakaeyokna mi wigim iriipa hiriinan, kima kimiir kamni yai imiirar wakaeyokna mi ta hiriinan saiirsika sima Adi Komii krimiir Wanin siir wakaeyokna ap karamae nwowi mi simiir kwoinim wi kima nwoki kiyaiyim dimin miyik miyikim kima tirim

simiiram mi ta hiriinana sima wa nwoki aingwo tibmiiyim siiramın. Mi kima wi yai yaimın dimın kipi swoki boinmimın.

² Dimusi rani, sima wig kimiirın wa kigi kima dimın taemin miyikmiyik imiirar tiri kima wakaeyım sima boinım mi ta hiriinan saiirsika simiir mhi kwoinım wa kisina haigi Adi Komii siir yai aiir wakaeyoknamın.

³ Kima simae mikın minım kima kima kipi piuai mwamana, kima indihop mi yuis miyikmiyikim simiirara nii mi ta hiriinana saiirsika iki ikam nhirım sima kimiirın wi ha boini kima bimbıuwi kig rani. Yio tiriiginın yio dimın komii rani. Nıngaka. Kima wi hiriinan kipi swoki tir.

⁴ Mi ti dimın taeminım kima naingwoyımıyokim kimiir kwoinau nwokaiyım yım hiinsima dwo mi kipi nikwokrimkrip. Yım ti dimın hinın ini mikın, indihop, mi yuis miyik minım yipiki kima piuaiyım kimiir piı, ini simiir hiriinan ywowım. Mi dimın taeminım kimiir mhi kwoinau nwokaiyım yım mikın, indihop mi yuisnan tani bi nimbimbıriyamikım. Dimusi rani, Adi Komii siya kimiir kwoinau ti hiriinan dimın taemin miyikmiyik imiiram naingwokın.

⁵ Mi ti hiriinan siyıuın, biyan wigım yipiki miyikim yım sima minam nwowi dimın taeminım Adi Komii siya boinım, simiir hauuwım. Mi ti hiriinan siyıuın sima tirın, yio sima, sima simar swoki tirnakın wadie kigamın mi sima simiir kamım simiir yai imiirar mi wakaeyokna apkim.

⁶ Mi Sera saeya iriipa hiriinan siyıu iirar mi tirka, saeya Ebrahim siir yaimın dimın imiirar mi wakaeyokna apka mi saeya saiir kam iirın saiir

kigriraowan inkam asi nikiugin mi mhoiyya kima siyiu miyyik tiri mi Adi Komii siir wakaeyokna api mi siirsi nidad karame nwowi mi kimarın wi Sera saiir yinisimnan nwowi.

⁷ Mi ti hiriinan siyiu kaimwowin, kima kamim yipiki wig nonkwonaim mi simaka ha nwowim kima dinokninkin sima kirie rani, kimiir hiriinan mi simiirin sibgu kigrirao. Dimusi rani, kima mi sima kima iriparin mhoiyya dimin miyyik Adi Komii siya hauuwi wi simiirarar haiswowi mi kima hiriinan siyiu iir tiri mi kimiir siyiuin wi dimin whirki haiginikou rani, Adi Komii siiram srii dimin taemin haiyam. Nngaka. Iriig.

Kima iikamim hiinsima dwo mi ti dimin taemin miyyikim simiir sibgu wakaeyokna ap

⁸ Mi ta kariir yaimirsim kwuruwa pi kimiir boinmauugi kima kwoin whuruwa dwo mi irni nwirniyam daingwokwonanae mi simiirsi daingwoyimyok iya sima hik haiiyim mi dimin miyyik miyyik imiirar tir, irni nwirniyin mi hinina daingwo nhirim sima dwo kimiir kouwin.

⁹ Mi iikamim sima dimin biyie kimiir diriraerari mi kima simiirin dimin biyie yamdi kipi swoki diriraerar. Mi sima yai biyie kimiir boini mi kimiir tirbumbuwi mi kima simiirin yamdi kipi swoki tirbumbu. Mi kima Adi Komii krimiir Wanin siirim srii siya dimin miyyik tirim simiirin. Dimusi rani, Adi Komii siya hinina naingwokin kima ti hinina tirim mi kima siir dimin miyyik miyyik imiirin wa haii.

¹⁰ Kima ti hinina ti diriraerar. Dimusi rani, Adi Komii siir yayim Yokwo Komii saiir nwowim hinina boinkim:

Ti iikam nhirim yipiki ii miyik nhir nwowam naingwowim ti nu iirin, sima dimin taemin biye imiirin digumii haimriiyugig mi niksisaе yaayim yim iriipi wara.

11 Sima dimin bibiyе imiirin digumii haimriiyugig mi dimin miyik miyik imiirar timi tir. Sima iikam whiekakim simaka hiinsima dwo.

12 Dimusi rani, Adi Komii siya iikam miyik miyikim simiirar kigriraowikin yipiki simiir kwoinim miyik nwowim mi siya dimin taeminim sima sriiyim siirim simiirar wakaeyoknaeikin. Mi Adi siya iikam biyeyim digumii simiir haimriiyuwikim.

13 Mi kira wadie tiram naingwowi kiriir kwoinin wi nhinga tirbuwi inkam nwir karamaeka.

14 Mi kima dimin miyik tiri mi iikamim sima kimiirin dimin biye tiri mi kima maigimaigra taokitaoka dwokaeyam. Mi kima iikam imiirsi kipi didid mi ti dimin taemin imiirsi kipi naingwo yimyok.

15 Kima Krais siiram daingwokwonanaei mi kimiir kwoinim siirramar daingwo iski yo dimin prasae rani. Mi inokinokin kima iikamim kimiir srii yamim simiir yai imiir nowarki boinam dwokwokin kimiir kwoinim dimin taeminim Adi Komii siirim simiiram dimuim naingwo tibmii? Mi kima simiirin io kwoin kipi nwo mi igao yai kipi mi boin Adi Komii siirsi didid yo wi inig biyekak kima nwowisi.

16 Mi kimiir kwoinim maigimaigra dwo dimin taeminim kima tiriyim mi kimiir kwoinin wi rirmiigirirmiia niki owim. Mi ta saiir mhoiya

iikamim sɪma wɪ kɪmaka nɪnkɪnwamwarkɪi boini ti dimɪn mɪiyɪkɪmɪyɪkɪm kɪma tɪriyɪm sɪmiirsi. Dimusi rani, kɪma Krai sɪiram naɪngwo tɪbmɪigɪm mɪ sɪma wɪ nɪdidgak nwonami dimɪn taemɪnɪm sɪma boinɪm sɪmiirsiyɪn.

17 Mɪ kɪra iikam ɪmiirɪn sɪbgu sɪbgu tɪri, ɪiya ti iikamim sɪma dimɪn biyɪeyar tɪrka wɪndi kɪmiirɪn mɪ mhoɪiya Adi Komii siya kɪmiiramɪn wɪ big nasmɪrwaiyar nwowi. Mɪ kɪma iikam ɪmiirɪn dimɪn biyɪe tɪri mɪ yɪm ti iikamim kɪmiirɪn wɪ ɪriipi hɪriinan dimɪn biyɪeyar swoki kwatɪri mɪ Adi Komii siya kɪmiiramɪn wɪ big nasmɪrwaiya nwo rani.

18 Tariigɪna ya kamwowaɪrga. Dimusi rani, Krai siya bɪdi yaowɪn, siirɪn kam bibiyɪeyɪm sɪma tɪokɪn mɪ ta siya naowa kɪmiir dimɪn taemɪn bibiyɪeyɪm sɪmiirsi naokɪn, siyaɪrgɪn inkam mɪiyɪkɪn dimɪn whɪrki kɪmbu karamae nwowɪn, siya iikam biyɪe kɪmiirsiyɪn kwɪruwar naokɪn mɪ ta hɪriinan saiirsika siya kɪmiir asi nanmaiwarkainakɪn Adi Komii siiram namɪm. Ti inkamɪn siyaɪrgɪn pɪuaɪrgɪ naowɪn mɪ siir kwoɪnbudɪn warɪ bɪ naokɪn ɪni omwaiya swoki waiyan.

19 Mɪ ti hɪriinanɪn Adi Komii siir naeyɪuɪn Krai siya maeyau biyɪeya kwoɪnbudgɪm nwowa saiir yam mɪ siya siir yai aairar yanaakɪnkɪi haigɪnɪu sɪmiirɪn.

20 Mɪ Adi Komii siya ti iikam ɪmiiramɪn mɪnam nwogugugɪn ɪiya sɪma omwaiyar niki waiya sɪma siiram naɪngwo tɪbmɪiyɪm mɪ sɪma siir yai aair bɪ wakaeyoknakɪm ɪiyɪm Noa siya mɪriiyɪm siyaii aair. Mɪ ta ɪi aairɪn Adi Komii siya wikamɪm ɪriiyar

oumuar hainaowid mi tiriiginim sima bi naokin. Dimusi rani, op komiiyin simiir warɪ bi nwom-airipu aokin.

²¹ Ti opin yi iikamim yipiki baptaisiyim aknainan simiir n̄isiimauugin. Taka opa saeya iowim kimiir p̄u nwowim simiir h̄isokan tani. N̄ingaka. Ya min n̄isiimauuga iikamim yipiki Adi Komii siiram sr̄iiyim simiir dimin biyie imiir haiyoprimdiȳumiigiyim mi siya wi simiir kwoin imiir dir̄iraerarki r̄irmiiya nwokiyim. Dimusi rani, Jisis Krais siya b̄idiyar iki aonamin mi siya ha swoki insiin idwowin mi ini omwaiya swoki waiyan.

²² Krais siya b̄idi yamin Adi Komii kr̄imiir Wanin siir om iir mi siya ini Adi Komii siir ina inig miya ini idwokaiȳuun maeyauwa iikamim inigakim sim n̄idwokaiya saiir. Mi paekwosim ima mi nonkwo ȳu ikim mi uridȳu bibiyie wh̄ekak ikim simiir kouwin ini siyar ywowiskiyin. Friig.

4

Dimin taeminim kima dir̄iraerariyim Adi Komii siir kwoin iirara daingwo tir

¹ Krais siya inkam kr̄imiir h̄iriinanar naokin mi ta h̄iriinan saiirsika kima biya siya tirim simiir ti swoki aingwoyokiyokiigi mi siya ini inkam biȳeyim simiirar k̄igninkin tīoin siirin sima siir nonkwobumbun̄inkinim mi inkamki kimiir tiowi mi k̄impisu kimiir hauwi yi ti h̄iriinanin, dimusi rani, kima Adi Komii kr̄imiir Wanin siir yai āiir̄im naingwo tibm̄igim, yim ti dimin taeminim ini wadie mi owim wh̄isarii rani, iikamim yipiki inkamki tiowiyim simiir p̄uim mi

ha kimpipisuwiyim mi ti hiriinan siyiuin yio simiir grabainginuwi ti hiriinan dimin biyieyin sima tiriyim simiir haiburgigim.

² Mi tariinan kima diminim kimiir kwoinki naingwowim ta iya kima nu tirar niki owa simiir kipi wakaeyokna diriraerar. Mi kima Adi Komii siir kwoin iirara wakaeyokna ap iski.

³ Fi nhirim biya namkiyim krma dimin biyie kasa bi diriraerarkim iikamim nuanim sima tirim simiirin ti dimin taeminim yim hiningim: Krma dimin biyie imiirar wakaeyokna apkim mi krma simiir diriraeraramin nhaminhami bi naingwokim, krma hii nanaeyim krma siyiu komii iirar taouuga diriraerari, krma op kiriekirieyim simiir kwiyaeyim iki krma kwiyaee nanaeyim mi krmiir puim pi whaowakakar nwowi mi krma nae pranaepranae bi naeikim mi krma iki iikam nhirim simiir omakar mi amikim op kiriekirie imiir kwiyaeyim mi krma digiumii Adi Komii siir yai aair haimriiyugim mi krma pi uruwai siyaowaiyim simiir inig imiirar mi hainani.

⁴ Mi tariinanin iikamim yipiki ti dimin taemin imiirar niki tirkipkaiyim sima ini hindara yanaakiyim. Dimusi ran, i siyiu biyie simaka tir karamae nwowin mi sima kimidiniya yai bibiyie kimiir boin, nididgak kima nwowim

⁵ mi ta saiir mhoiyarin iya Adi Komii siya iikamim omwaiyar niki waiyam mi naokaowim simiir hidi mi ti iikamim sima wi sima simar nanaakninkinaei sima ti hiriinan dimin taemin biyieyim simiir dimusi tirkim mi ta hiriinan sai-irsika Adi Komii siya simiirin asi nonkwobumbuninkini.

6 Mi ta hiriinan saeya, Krais siya siir Yai Wın Kibiya iikamım yipiki omwaiya waiyam mi iikamım yipiki biya naokaowım simiir boınmımauuım biya Adi Komii siya boınkiya hiniin iikam whiekakım wa naokaowi. Krais siya hiriinansi boınkin ti yayım iikamım yipiki biya naokaowım sima wa wakaei mi wa naıngwo tıbmii siir yai imiirımın mi mhoyıya sima wı Adi Komii saıka nwowi. Iriig.

Kıma dimın miyikim Adi Komii siya hauuwıyım simiirin sibgu kigrırao

7 Mi iikam ima mi dimın taeminım yipiki ti nu iir nwowım sima ini kingiınar nwowım wa nidwomaii. Mi kima sibgu daıngwo omok mi kımakımasıyar kigrıraona dimın taeminım kima tiriıyım mi kima Biyan Inkam Komiiyın nhwo siiramın sibgu kwisboın.

8 Ti dimının yio prasae rani, ini iki dimın taemin nhirım kima wakaeyokna apiyım ini simiir kou ywowın. Kima ırni nwırniyam naıngwokwonanaei. Dimusi rani, yio tiriiginın kimiir whınkınsiis haiginıuwi dimın biyeyım iki iikam nhirım sima dirıraerariyım kimiir simiirsi naıngwoyımıyoksi.

9 Mi kima iki iikam nhirım naıngwo tıbmıyım yipiki kımıiram nıtiyım kımaka ninı oniyım simiirin sibgu kigrırao mi nae minım mi whwonkai hiı ikım mi dimın taemin nhir ikım mi ti dimın hiriınanıım simiir sibgu dirıraerar haiginıu mi kima kimiir kwoınım io kwoın kipi naıngwo simiirin mi ha kipi dirıraerar.

10 Mi ninoknıknın komiiya Adi Komii siya priihauugiya kimiir wım kima iki iikam nhirım

simiir whinkinsiis haiginu mi ta hiriinan saiirsika kima wi Adi Komii siir diminpai diminpaiyim kimiir hauuim wi simiir sibgu kigriraowan iikam nwowi. Yim hinngim,

¹¹ iikamim yipiki yai kimiir boinmimauuwi mi sima Adi Komii siir yaigiyai imiirara boinmimauu iski. Mi yipiki dimin taeminim iikamim simiir whindiriraerari Adi Komii siir kirieni mi ta hiriinan saiirsika iikamim Adi Komii siir inig iirin wa nwoki hainanim. Dimusi rani, Krai Jisis siya whindiriraerarkiya kimiir saiirsika. Mi kara ha naingwowi iikamim siir inig iir hainan, siyairgin inig komiigakin mi pi siya kigriraowi iikamim nu tiranim mi dimin taemin whiekak ikim inokininokin. Iriig.

Kima kipi naingwoyimiyouk, ti dimin biyeyim kimiir tumbuum sima Krai siir bidiyar iki tirim

¹² Ti kariir nomiyau kinim kima kipi nanaawin ti hiriinan hik kimpipisuim iikam kimiir nimbiniyim yim kimiir kinankiuim mini mi sima wa nwoki kigim kima ini Adi Komii siirar sibgu wakaeyokna apim, kimiir kwoinin ha naingwowi ti dimin biyeyim biya bi nimbiamkim mi ta saeya ninkakniya. Ningaka. Biyin Krai siirar bidi yimbiamim.

¹³ Mi kima maingimarga dwo kima Krai siir hiriinan nwokim dimin biye kimiir nimbiniyim. Dimusi rani, mhoiya iya Krai siya swoki iti, siya, wi siya siyar nanaakninkinaei mi kima wi maingimarga taokitaoka saika nwowi.

¹⁴ Mi iikamim wi yai bibiye kirie kimiir nimbumbu boini. Dimusi rani, kima Krai siiram naingwo tibiikim mi kima maingimarga dwo.

Dimusi rani, Adi Komii siir naeyu kirieyin ini kimakar nwowin.

¹⁵ Mi kima siyu biye kipi tir mi gavman siir miyan iikamim kimiirin wi sima nonkwobumbuninkin haiginuwi ti siyu biye hiriinanin kima tiriyin siirsi. Yim hiniingim, inkam min nisomsom aokao mi hi min tauae mi siyu bibiye iikam nhirmi tir mi kira ha naingwowi iki iikam nhirim simiir kouwin ini kirar ywowin mi simiir digworaekwowim yim ini kirar mi kigiraowim mi ti hiriinan diminim yim kipi tirmimin.

¹⁶ Mi inkamin iikam biyeyim dimin biye tiriyim sima wi kiriir tumbuninkini. Dimusi rani, siya Adi Komii siir yai aiir wakaeyokna apikin mi siya simiirsi kipi nidid siya Adi Komii siir inig iirar hainan. Dimusi rani, siya Adi Komii siiram naingwo tibiikin.

¹⁷ Mi ta iya bidi yimbiniya Adi Komii siya iikam imiir hidana. Mi siya biyin wi iikamim yipiki siir yai aiir wakaeyokna apim wi simiir hidi. Mi siya biyin iikamim naingwo tibiimiyim krimiir hidi mi mhoiya wi panina tiri iikamim yipiki digumii Adi Komii siir yai kibi aiir haimriiyuim simiirin? Simiirin wi siyar nonkwobumbuninkin iuguskii.

¹⁸ Mi Adi Komii siir yayim Yokwo Komii sair hir nwokaiyim yim hinina boinkim,

Mi iikamim yipiki naingwo tibiimiyim mi ti dimin biyeyim ha nimbiyami hik simiir hauuwam mi simiir kwoinim pariiparii sima nipiyaokiyim Adi Komii siir wakaeyokna apsi, mi ti dimin biyeyim ti iikamim Adi Komii siiram wakaeyokna apiyim simiir kwoin imiir kiyaiyam

pariipariiya nwowi, mi ti iikamim yipiki digiumii Adi Komii siir haimriiyuum yim wi panin panina tiri, ha? Yim wi hindara nasae borninopkainam iuguskii.

¹⁹ Mi ta hiriinan saiirsika, ti iikamim yipiki dimin bibiyeki kiyikaigaiyim mi hikak ha nwowim, yim Adi Komii siirar kwoinkin ti hiriinan nimbiamin mi sima kipi naingwoyimiyok. Mi Adi Komii siiram daingwo tibmii yipiki iikam whiekak krimiir nonkwokwokiya mi siya simiir whindiriraerarin mi simiir mi kigriraokin. Dimusi rani, siya dimin taeminim biya siya boinim, siya diriraeraram, siya simiirin wa diriraerari. Iriig.

5

Kima adiyaowae iikamim kima Adi Komii siir piuganan iikamim simiir sibgu kigrirao

¹ Mi ta hiriinana saiirsika, iikamim Adi Komii krimiir Wanin siir piugananim iki iikam nhirim simiir kigriraowiyim kara kimiirin hiriinansi boinonkwokwoki. Mi kara iriipi hiriinan inkam adiyaowaeyairgin kimiir hiriinan mi karar kigin Kraisi siya naonamin. Mi kara wi siyaka boinaii dimin taemin miyik miyikim mhoiya Adi Komii siya nanaakninkiiyanim.

² Kara kimiirin tisa boinonkwokwokiya kima iki Adi Komii siir iikamim sibsibnanim yipiki kimaka waraur nwowim simiirin sibgu kigrirao. Kima sibgu kigrirao Adi Komii siya naingwowin kima tiram siir hiriinan. Dimusi rani, kima wi kipi diriraerar dimin taeminim, sima kimiirin hinina boini ti hinin diminin siir ti diriraerar. Ningaka. Kima simiir tiri. Dimusi rani, kimiir kwoinin

simiir diriraerarim naingwokim kima simiirin minam kipi diriraerar umir komii haiyim, kima simiirar diriraerar. Dimusi rani, kima simiirin niinginiinga tiramar naingwokim.

³ Kima iikamim Adi Komii siya nokmwın okwo haiginıuwım kima, kimamar kipi naingwona hininin kouwin ini kimar ywowım mi simiirin kimar nokmimin tir dimin taemin tiramin. Niingaka. Wim kima ini aknainan ywowım iikamim warauranim simiir niisiimauuwam dimin taeminim sima kigna apam.

⁴ Mi mhoiıya iıya Jisis Krais siya krimiir kigriraowi inkam komiiyin siya swoki iti, siya wi siya siyar nanaaknıkiinaei mi kima wi saıka nıkin haii dimin taemin kibikıbiyim inokıinok nwoyokiyokıiyım kigugu karamae nwowiyim.

⁵ Mi ti hiriinan siyu kamwowın kara pi yainan whranim kimiir boınonkwokwoki, kima iikamim yipiki kimiir kigriraowiyım simiir yai imiir sibgu wakaeyokna ap kima whiekakarın irni nwırni yai wakaeyokna. Dimusi rani, Adi Komii siir yayım Yokwo Komii saiir nwowım yım hinina boınkim, Adi Komii siya iikamim yipiki ha naingwowım simaırgım inkam komiikomiiyim, siya digıumii simiir haimriiyıugin mi siya ti iikamim yipiki simamar naingwona karamae nwowiyim siya wi simiir whınkınsiis haiginıuwi.

⁶ Dimusi rani, yaiya Adi Komii siya boına saiırsika, kima ha daıngwo Adi Komii siya inıg komiigakin mi kima kimamar kipi naingwona mi kima siir yai imiirar wakaeyokna ap mi ta saiir mhoiıyarın iıya siya nimbina siya kimiirin wi wadiıyar whındiriraerar haiginıuwi mi kima wi

kiriekikirieya nwowi.

⁷ Mi ti dimin taeminim kima naingwoyimi yokim kimiir kiyaii, kima ti dimin taemin imiiram in Adi Komii siiram srii siya whinkinsiis haiginuwim kimiirin. Dimusi rani, siya kimiiram naingwokwonanaei mi kimiirin wi siyar kigriraowi.

⁸ Kima sibgu mintirao mi kimasiyar kigriraona. Kimiir sau omoman inkamin Setan siya ini wraisu komiyyin yipiki laion dapiyin ini siir hiriinan ywowin siya hinda tinda pa napririr kaowi iki wraisu nhirim simiir pisomsom aokaowim. Setan siir siyuuin hinngin, siya hinda tinda pa napririr kaowi ikamim simiir nipiyaokiyim sama digumii Adi Komii siir haimriiyugigim.

⁹ Kimiir kwoinim kirie hiriyar dwokripkai mi digumii Setan siir haimriiyu mi ta hiriinan sairsika kima ikamim yipiki Adi Komii siir yai imiir wakaeyokna apim. Dimusi rani, kima ina ninokninkinim ikamim yipiki Adi Komii siir wakaeyokna apim hinda tindanim, dimin biyeyim wi simiir tirbumbuwi kimiir tirbumbuni hanin aka mi kimiir kwoinim kirieya dwo.

¹⁰ Mi ta iya kima hik kimpipisu haii sair mhoiyarin Adi Komii sikisiyairgin yipiki dimin taemin miyyik whiekakim simiir bwamkibwamin. Mi siir dimin miyyikmiyyikim wi kimiiram nimbini kima haiyim mi kima wi Krai saika nwoyokiyokikaeyami inokinokin. Mi kimiirin wi miyyik Adi Komii siya siyar nwowaiginuwi mi wi siya kirie haiginuwi mi kimiirin wi siyar mi whindiriraerar haiginuwi.

¹¹ Kara ha naingwowi Adi Komii krimiir Wanin

siya digworaekwo whiekakim simiirar kigirkaki inokinokin. Iriig.

Mi karapiyaimirisim nhirim simiir swoki boinki

¹² Ti inkamin Sailas nikiuwiyin yipiki kara naingwokwonanaeyin, siya whin win haiginiugika ta yokwo mirisima kara kimiir boinonkwokwokiya mi kara ta yokwowa minam winkika kimiir nisiimauuim ta yaiya kima naingwo tibmiiya yim Adi Komii siirgisiirar yaigim. Mi kimiir kwoinim kirie dwo mi simiir wakaeyokna ap.

¹³ Mi kima iikam naingwo tibmiiyim yipiki om Babilon hir nwowim yipiki Adi Komii siya nimbiniim siirim simiir wakaeyokna ap mi sima mi Mak siya yipiki kariir yinisiimkinanin kanaka wakaeyokna apiyin Adi Komii siir, simiir nokboinmamaira kimiiram hauugika.

¹⁴ Kima iikam whiekakim yipiki kimiir nomi-iyauim naingwo tibmiiyim simiir kigi mi simiirin dankabmamair mi dokboinmamair haiginiu.

Mi kara ha naingwowi kima Kraisiir iikam whiekakim kwoinin iripa nongwomamaire aeyin siir bidi haiyin. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f